



Broj: 11-11-2-2443-1/25

Datum: 26.08.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije, d o n o s i

O D L U K U
o izboru najpovoljnijeg ponuđača u predmetu javne nabavke „Nabavka softvera“
LOT 2 – softveri

I.

Prihvata se prijedlog Komisije za provođenje konkurentskih i pregovaračkih postupaka nabavke, te se u predmetu javne nabavke „Nabavka softvera“ - LOT 2 - softveri ugovor dodjeljuje ponuđaču „NEXIS“ d.o.o. Sarajevo, čija cijena ponude iznosi 5.658,00 KM bez PDV-a.

II.

Odabrani ponuđač je dužan, u skladu sa tačkom 2. tenderske dokumentacije, u roku od pet dana dostaviti dokaze koji su traženi tenderskom dokumentacijom.

III.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

IV.

Za izvršenje Odluke zadužuje se Sektor za finansije i javne nabavke.

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka softvera“, broj Obavještenja o javnoj nabavci: 1412-7-1-205-3-129/25. Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke za LOT 2 - softveri iznosi 5.658,00 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocjenu kvalificiranosti ponuđača, o čemu je sačinila odgovarajuće zapisnike, u kojima je utvrđeno da su zaprimljene dvije ponude, i to od ponuđača: „NEXIS“ d.o.o. Sarajevo i „ELUR“ d.o.o. Kiseljak, te da nije bilo neblagovremeno zaprimljenih ponuda.

Komisija je konstatovala da je ponuda ponuđača „NEXIS“ d.o.o. Sarajevo prihvatljiva, te da ista ispunjava sve tražene uvjete iz tenderske dokumentacije.

Također, Komisija je konstatovala da je ponuda ponuđača „ELUR“ d.o.o. Kiseljak neprihvatljiva zbog toga što nije dostavljena Izjava o garanciji za uredno izvršenje ugovora (bankovna garancija). Pored navedenog, dostavljen je nepopunjen Nacrt ugovara-Aneks V, kao i obrazac za cijenu ponude—robe - Aneks II. bez iskazane cijene sa PDV-om.

S obzirom da je tenderskom dokumentacijom predviđeno održavanje e-Aukcije, a kako je zaprimljena samo jedna prihvatljiva ponuda, Komisija je dala preporuku ugovornom organu da se za postupak javne nabavke „Nabavka softvera“ - LOT 2 - softveri ugovor dodijeli ponuđaču „NEXIS“ d.o.o. Sarajevo, čija cijena ponude iznosi 5.658,00 KM bez PDV-a, odnosno 6.619,86 KM sa PDV-om.

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

V. D. DIREKTOR
(Načelnik SKP-a)
GLAVNI INSPEKTOR

Vahidin Munjić

DOSTAVITI:

- Sektor za finansije i javne nabavke;
- ponuđaču;
- a/a.-

